



**ҚАЗАҚСТАН РЕСПУБЛИКАСЫ**  
**ҰЛТТЫҚ БАНКІНІҢ**  
**№ 35 Б А С П А С Ө З - Р Е Л И З І**  
**2 0 0 6 Ж Ы Л Ғ Ы 2 0 Ж Е Л Т О Қ С А Н**  
**Халықаралық резервтер және**  
**ақша базасы туралы**

**1. Халықаралық резервтер және ақша базасы.** Қазақстан Республикасы Ұлттық Банкінің халықаралық резервтері (Ұлттық қордың ақшасын есептемегенде) және ақша базасы 2006 жылғы 15 желтоқсанда мынадай болды:

	Ағымдағы бағалармен	Тұрақты бағалармен <sup>1</sup>
<b>Таза халықаралық резервтер, млн. долл.</b>	<b>16 006,2</b>	<b>15 766,2</b>
оның ішінде:		
ЕАВ-дағы <sup>2</sup> таза активтер	14 702,8	14 702,8
Алтын	1 303,4	1 063,4
<b>Ақша базасы, млрд. теңге</b>	<b>1 255,4</b>	<b>1 255,4</b>
Тар ақша базасы <sup>3</sup> , млрд. теңге	1 165,2	1 165,2
ЕДБ-нің ҚРҰБ-дегі мерзімді депозиттері, млрд. теңге	90,3	90,3
KZT/USD (кезең аяғында)	127,96	133,98
Алтынның бағасы (1 трой унциясы USD-мен)	628,75	513,00

*1* теңгенің АҚШ долларына бағасы және алтынның бағасы 2005 жылдың аяғындағы жағдай бойынша көрсетілген.

*2* ЕАВ-дағы<sup>2</sup> таза активтер – бұл ЕАВ-дағы жиынтық активтер мен міндеттемелер арасындағы айырма

*3* Тар ақша базасы – ЕДБ-нің ҚРҰБ-дегі мерзімді депозиттерін есептемегендегі ақша базасы

*4* ЕДБ – екінші деңгейдегі банктер

2006 жылғы желтоқсанның бірінші жартысында Ұлттық Банктің халықаралық резервтері өсті.

Ұлттық Банктің таза халықаралық резервтері ағымдағы бағада 6,1%-ға (немесе 919,9 млн. долл.) өсті.

Ай бойына Ұлттық қордың активтерін толықтыру және алтын-валюта резервтерінің шоттарынан Қаржы министрлігінің сыртқы борышына қызмет көрсету бойынша операциялар жүргізілгендігіне қарамастан екінші деңгейдегі банктердің Ұлттық Банктегі шетел валютасындағы корреспонденттік шоттарындағы қалдықтары төмендеді, Ұлттық Банктің ішкі валюта нарығында валюта сатып алуы және Үкіметтің Ұлттық Банктегі шоттарына валютаның түсуі валюта қорының ұлғаюына әкеп соқты.

Осылайша, таза валюта қорлары (ЕАВ) 939,9 млн. долл. көбейді, әлемдік нарықтағы бағасының 1,51%-ға төмендеуі нәтижесінде алтындағы активтер 20,0 млн. долл. түсті.

Ұлттық Банктің таза халықаралық резервтері тұрақты бағада 6,3%-ға, ЕАВ-дағы таза активтер 6,8 %-ға өсті, алтындағы активтер өзгеріссіз қалды.

Ұлттық қордың ақшасын қосқанда (алдын ала деректер бойынша 13 753,8 млн. долл.) еліміздің халықаралық резервтері тұтастай алғанда (ағымдағы бағамен) 29 764,8 млн. долл. құрады. Өткен аймен салыстырғанда 5,1%-ға өсті.

Ұлттық Банктің таза халықаралық резервтерінің өсуі 2006 жылғы желтоқсанның бірінші жартысында ақша базасының 6,2%-ға (немесе 73,8 млрд. теңгеге) кеңеюіне себепші болды.